

աւերակները ո՛չ միայն հովտումն են, այլ եւ բարձունքներում, բոլորն էլ իրենց ապառաժ լեզուով յայտնում են, թէ իրանք վաղեմի արհեստաւորների աննկուն ջանքերի կենդանի վկաներն են. ծառայել են ամառանոցի, ձմեռանոցի եւ գիւղեր են եղել ոստանիկների, սպանների համար: Այս հովիտն ունի հրաշալի մարգեր, արօտներ եւ մացառոտներ, որը դարերից ի վեր Կարնոյ Արծն եւ ապա Արծնրում քաղաքին մատակարարել է մինչեւ օրս սեր, կարագ եւ պանիր: Ամէն մի գիւղում նկատելի է կործանուած տաճարների հետքերը եւ բարձունքներում աւերակ վանքերի մնացորդները: Չերմեսը ակունքում կոչւում է նոյնպէս Խոշմշատ: Ճորոխի սկզբնական այս հովիտը հիւսիսից՝ Տանձոտ, Խորթիկ, Օրթա-Գոլ եւ Էշէքսրթի լճերով է պատած. իսկ հարաւից՝ Թորաման, Բաղան, Քեսերէի-Թաշ, Սարխան լճերով, որոնք հովտից 2-3000' բարձրութիւն ունին եւ պատասպանում են բքից եւ սառնամանիքից, պատած են մացառներով եւ կարճ անտառներով:

Չերմես վտակը Մասսաթ քարվանսարայի մօտ միանում է Կուրդ առուակին եւ անունը փոխում-Մասսաթի վտակ է կոչւում: Ինչպէս Չերմես վտակը Կաղան-Բաշի լեռներից ուղիղ արեւմուտք է գնում, այնպէս էլ Կուրդ առ. Օլուխի լճից ուղղակի արեւմուտք է հոսում, քսան կիլոմետր երկարու-